

Bože čěło

Ze swjatkami, kotrež swjećachmy lětsa njedźelu, 28. meje, je so jutrowny čas skónčil. Wón traješe 50 dnjow. Tydźenje po hodžoch hač do póstneho časa kaž tež po swjatkach hač do přěneho adwenta mjenuje cyrkej přezlětny čas. Druhi štwórtk tohole časa, potajkim po swjedženju Swjateje Trojicy, kotryž swjećimy tutu njedźelu, je wysoki swjedžen Božeho čěła. Sće so hižo raz prašeli, što wšo je při tym wažne, što to woznamjenja abo čehodla swjećimy Bože čěło runje štwórtk? W naslědnym memoryju zhoniće tójšto zajimaweho kołowo-koło tohole swjedženja. Móžeće jón na dwoje wašnje hrać: Ći, kotřiž njemóža hišće čitać, móža sej jednotliwe wobrazy dwójce wučišćeć a poriki ze samsnym motiwom tworić. Štóz móže hižo čitać, móže jednotliwym wobrazam wotpowědne prawe wujasnjenje přirjadować.

chlěb

Chlěb je symbol za cyrobu. Při poslednej wječeri zeleny štwórtk džěleše jón Jězus ze swojimi wučomnikami prajo: „To je moje čěło.“ Z tym je wón swjatu eucharistiju załožil.

štwórtk

Bože čěło swjeca wěriwi kóžde lěto samsny dzeń w tydźenju, a to štwórtk. Dzeń dopomina na Jězusu-wu poslednju wječer, kotraž bě zeleny štwórtk.

knježna



Knježna Juliana Lüttichska měješe w 13. lětstotku wiziju, zo pobrachuje hišće swjedžen za česćowanje Jězusa jako chlěb žiwjenja a sakrament wołtarja. Mjenowachu jón „Bože čěło“.

wołtar

Wołtar je symbol za Jězu Chrysta, kiž je sam Knjez a srjedžišćo cyrkwe. Na Bože čěło je wołtar we wsy natwarjeny, při kotrymž měšnik ze Swjateho pisma čita a wěriwych žohnuje.

procesion


Procesion je swjatočný čah wěriwych na wosebitych dnjach, tak tež na swjedźenju Božeho čěta. Zapřijeće je wotwodžene wot łaćonskeho słowa „procedere“, štož rěka přeložene pokročować.



monstranca

Monstranca je sudobjo k wustajenju, z kotrymž so Jězus w přezohnowanym chłěbje wšěm wěriwym pokazuje. Zapřijeće pochadža z łaćonšćiny – „monstrare“ – a woznamjenja přeložene „pokazać“.





njedźela
póndźela
wutora
srjeda
štwórtk
pjatk
sobota